

১২তম প্রিপারেশন অফ রিপোর্টিং অ্যান্ড রাইট আপস কোর্স সম্পন্ন



বাংলাদেশ প্রশিক্ষণ ও উন্নয়ন সমিতি (বিএসটিডি) এর ব্যবস্থাপনায় ১৪-১৮ জুলাই ২০১৯ সময়কালে “১২তম প্রিপারেশন অব রিপোর্টিং অ্যান্ড রাইটস-আপস” কোর্সটি বিএসটিডি’র সেমিনার কক্ষে অনুষ্ঠিত হয়। ১৮ জুলাই ২০১৯ তারিখ সন্ধ্যা ৭:৩০ টায় ফ্ল্যামবী রেস্টুরেন্ট, বাড়ী নং-৬ রোড নং-৫০, গুলশান-২, ঢাকায় কোর্সের সমাপনী অনুষ্ঠান অনুষ্ঠিত হয়। পবিত্র কুরআন তিলাওয়াতের মাধ্যমে অনুষ্ঠান শুরু হয়। সমাপনী অনুষ্ঠানে প্রধান অতিথি হিসেবে উপস্থিত থেকে প্রশিক্ষণার্থী কর্মকর্তাগণের মধ্যে সনদ বিতরণ করেন তত্ত্বাবধায়ক সরকারের সাবেক উপদেষ্টা জনাব আইয়ুব কাদরী। সভায় সভাপতিত্ব করেন সাবেক মন্ত্রিপরিষদ সচিব ও পিএসসি’র সাবেক চেয়ারম্যান এবং বিএসটিডি’র সভাপতি ড. সা’দত হুসাইন। উক্ত কোর্সে বিভিন্ন সরকারি বেসরকারী প্রতিষ্ঠান থেকে মোট ২৪ জন কর্মকর্তা অংশগ্রহণ করেন। কোর্স প্রতিবেদন উপস্থাপন করেন বিএসটিডি’র নির্বাহী কর্মকর্তা ও কোর্স পরিচালক আলহাজ্ব মুহাম্মদ জিল্লুর রহমান। কোর্সের প্রি ও পোস্ট টেস্ট এবং কোর্স মূল্যায়ন প্রতিবেদন উপস্থাপন করেন কোর্স উপদেষ্টা ও ব্রেকট্ এর রিসার্চ কনসালটেন্ট বেগম তাহামিন বানু। এ প্রশিক্ষণলব্ধ জ্ঞান তাঁদের কর্মক্ষেত্রে ও পেশাগত উন্নয়নে সহায়ক হবে বলে অতিথিগণ অভিমত ব্যক্ত করেন। সমাপনী অনুষ্ঠানে বিএসটিডি’র পর্ষদ সদস্য এবং স্পীকারবন্দ উপস্থিত ছিলেন। নৈশভোজের মাধ্যমে অনুষ্ঠানের সমাপ্তি ঘটে।